

**Memorando di entendimentu
entri
Komitê di Skolas di Sidadi di Boston
&
Local Union No. 1952, Painters & Allied Trades (Pintores & Ofisius asosiado)
Konsedju di Distrito No. 35**

Es memorando di akordu ("Akordu") foi fetu na dia ____ di novenbru di 2022 entri Komitê di Skolas di Boston i *Local Union* N.º 1952, Pintores & Ofisius Asosiado, Konsedju di distrito N.º 35 ("Sindikato"). Es akordu sta kondisionadu i sujeito a ratifikason di menbrus di sindikato, aprovason di Komitê i apropiason suplementar pa Kámara Munisipal di Sidadi di Boston.

A menus ki klaramenti modifikadu pa akordu presentu, termos i kondisons di akordu di negosiasion koletiva di partis en vigor di 1 di setenbru di 2020 a 31 di agostu di 2023 debi kontinua en plenu vigor i ifeitu di 1 di setenbru di 2023 a 31 di agostu di 2026.

A menus ki indikadu kontrário, kes sigintis stipulason debe entra en vigor dipos di ratifikason pa Sindikato i aprovason pa Komitê di Skola di Boston.

1. Artigu VI: Salários i taxas di pagamentu:

● Sekson 1

Aumento di salário:

Anu 1 (AF 24): 2,5 % ifetivu apartir di 1 di setenbru di 23

Anu 2 (AF 25): 2% ifetivu apartir di 1 di setenbru di 24

Anu 3 (AF 26): 2% ifetivu apartir di 1 di setenbru di 25

2. Artigu XI: Baxa pa duensa:

a. Sekson 8: retifika pa:

Programa di baxa pa duensa. Programa di baxa pa duensa foi stabelesidu ku Sindikato. Ta kriadu un komitê di trabadjadores i jerentes pa administra Banku di baxa pa duensas

Menbrus:

Pa es programa ser stabelesidu, ten ki ten pelômenus 200 menbrus di banku di sindikato.

Bu ten ki ser menbru di sindikato pa pode partisipa. Menbrus ten ki konpleta três (3) ô más anu di servisu kontinuo pa es kualifika pa partispa.

Menbrus di banku di baxa pa duensa ten ki doa dós (2) dias di baxa na primeru anu, i dipos un (1) dia di baxa tudu anu duranti períudo ki es ta inskrito. Dias ki doadu ta ser diduzidu di banku di baxa pa duensa di trabadjador.

Kualifikason

So trabadjadores ki doa dias pa banku di baxa pa duensas ki ta kualifika pa aplika pa baxa. Trabadjadores ten ki primeru uza tudu dias di baxa pa duensa i otus dias pago. Es banku é so pa enpregadus ki sta duenti i el ka pode ser uzadu pa menbrus di família ki sta duenti. Tudu pididus pa uza ténpu di es banku ten ki ser mandadu pur

eskritu, akonpanhadu ku un sertifikadu médiku. Individuos ki ten un planu di inkapasidadi i ki sta resebi pagamentos di kel planu ô ki sta resebe pagamento di indiminizason di trabadjadores ta kualifika pa resebe ténpu di banku di baxa pa duensas di modi ki, en kombinason ku pagamento di banku di baxa pa duensa, montanti ka debi ultrapasa taxa di renumerason diária di indivíduu. Individuos ta kualifika pa resebe ti trinta (30) dias di duensa di un bez i pode faze un pididu adisional di trinta (30) dias, pa un másimu di sesenta (60) dias. Ténpu ki konsededu má ki ka uzadu debe ser doadu pa banku di baxa pa duensas.

Komitê di supervison di banku di baxa pa duensas

Komitê di supervison debe konsisti di trés reipresentantes di Sindikato i trés reipresentantes di Enpregador. Komitê ta toma tudu disizon pa votu di maioria. Komitê ta toma tudu disizon pa da ô nega tudu pididus pa ténpu di baxa pa duensa. Kes disizons li ka debe ser penalizadu. Komitê debi revisa tudu pididus. Komitê debe reuni regularmenti pa konsidera pididus na orários ki konkordadu. Komitê ten ki manti un relatório di tudu dias di duensas doadu i alokadu pa banku.

**Pa Local Union No. 1952,
Pintores & Ofisius asosiado
Konsedju di Distrito No. 35**

**Pa Komitê di Skolas di Sidadi di Boston, pa
se ekipa di negosiason propriamenti
autorizadu:**

David Jelley, Presidente

Philip Preskenis, Diretor Asistenti di Jeston di Edifísius

Michael Lafferty
Reipresentanti di negosiu Local No. 1952

Jeff Smith,
Konsultor laboral

Mary Skipper,
Superintendente